



# PROPOZICIJE

Takmičenja Omladinske lige BiH (juniori i kadeti) u  
takmičarskoj **2024/2025** godini  
grupe „ZAPAD“ i „SJEVER“

Banja Luka, Avgust 2024. godine

Na osnovu člana 35. i 39. Statuta FSRS , Komitet za hitna pitanja FSRS na sjednici održanoj 15.08. 2024. godine u Banja Luci, razmatrajući prijedlog Propozicija za takmičenje Omladinske lige BiH za takmičarsku sezonu 2024/25 donosi:

## ***ODLUKU***

### **o Propozicijama takmičenja Omladinske lige BiH (juniori i kadeti) u takmičarskoj 2024/2025 godini za grupe „ZAPAD“ i „SJEVER“**

#### **OPŠTE ODREDBE**

##### **Član 1.**

Omladinsko prvenstvo juniora i kadeta BiH za takmičarsku **2024/2025.** godinu, kojima rukovodi Fudbalski savez Republike Srpske odvijaće se u okviru jedinstvene Omladinske lige BiH podijeljene u dvije grupe „Sjever“ i „Zapad“.

##### **Član 2.**

Takmičenje se organizuje u formi jedinstvene lige juniora i kadeta, podijeljene u dvije grupe, po kriteriju geografske povezanosti i ekonomske opravdanosti sa brojem klubova do 18 za obje grupe ZAPAD i SJEVER na principu utvrđenog učestovanja ekipa koje su prijavili entitetski savezi u sjedište lige.

U takmičenju obavezno učestvuju juniorske i kadetske ekipe klubova Prve lige Republike Srpske i Prve lige Federacije BiH, a mogu učesestovati klubovi Drugih, Regionalnih i Područnih liga FS RS i FS FBiH sa svojim kadetskim i juniorskim selekcijama u skladu sa ovim Propozicijama.

Takmičenje se organizuje po dvostrukom bod sistemu, a prema usaglašenom kalendaru takmičenja Fudbalskog saveza Republike Srpske i Nogometnog saveza Federacije BiH.

Dvokružni sistem u grupama SJEVER i ZAPAD se organizuje na način da svaka ekipa igra dvije utakmice, i to: jednu utakmicu tokom takmičenja kao domaćin, a jednu kao gost. Klub za pobjedu dobija 3 boda, za neriješen rezultat 1 bod, dok za poraz bodovi se ne dobijaju.

U kadetskoj konkurenciji polufinale će izboriti prvaci grupa a način i mjesto odigravanja završnice Omladinske lige BiH za kadete će biti naknadno određen.

U juniorskoj konkurenciji polufinale će izboriti prvak grupe te najbolje plasirana ekipa iz suprotnog entiteta u odnosu na prvaka.

Prvak je ona ekipa koja u finalnim utakmicama ostvari bolji međusobni skor, u slučaju identičnog međusobnog skora pristupa se izvođenju udaraca sa tačke za kazneni udarac za

dobijanje pobjednika.

U slučaju da su finalisti iz istog entiteta za plasman u polufinale će po istom principu razigrati i dvije najbolje plasirane ekipe iz suprotnog entiteta od finalista.

#### **Član 3.**

Grupu „Sjever“ sačinjavaju klubovi iz Područnog Fudbalskog saveza Bijeljina i Područnog Fudbalskog saveza Doboj, Županijskog nogometnog saveza Bosanska posavina, Nogometnog saveza Tuzlanskog kantona

Grupu „Zapad“ sačinjavaju klubovi iz Područnog Fudbalskog saveza Banja Luka, Područnog Fudbalskog saveza Prijedor i Područnog Fudbalskog saveza Gradiška, Nogometnog saveza Unsko – Sanskog kantona.

### **RUKOVOĐENJE TAKMIČENJEM**

#### **Član 4.**

Takmičenja u grupama Omladinske lige BiH „Sjever“ i „Zapad“ rukovodi se putem organa takmičenja koje imenuje Fudbalski savez Republike Srpske.

#### **Član 5.**

Komisiju za rukovođenje takmičenjem čini komesar takmičenja i komesar za određivanje sudija. U Omladinskoj ligi grupa „Sjever“ i „Zapad“ komesar takmičenja je iz FSRS, a komesar za sudije iz NS Federacije BiH.

- Komesar za takmičenje – rukovodi takmičenjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz takmičarskog dijela, određuje delegate za utakmice, vrši analizu obavljanja delegatske dužnosti;
- Komesar za delegiranje sudija – delegira sudije i vrši analizu suđenja na svim utakmicama;

#### **Član 6.**

Pilikom obavljanja žrijeba za učestovanje u takmičenju koje se održava najkasnije 15 dana prije početka takmičarske sezone, klubovi su obavezni dostaviti takmičarskim organima putem Administrativnog sekretarijata FSRS, dostaviti sledeće:

- Pun naziv stadiona i rezervnog stadiona koje će klub koristiti tokom trajanja takmičarske sezone (Klubovi ne mogu mijenjati tokom trajanja takmičarske sezone prijavljene stadione i rezervne stadione koje su prijavili prije početka takmičarske sezone)
- Mjesto i vrijeme odigravanja utakmica
- Boja opreme i rezervnu boju sa kojom će klub nastupati
- Kontakt telefon kluba
- Kontakt osobu
- Zvaničan e-mail kluba za prijem elektronske pošte

#### **Član 7.**

Kotizaciju u iznosu od 1.200,00 (hiljadudvijestotine) KM, kojom se finansira rad organa koji su u procesu takmičenja, razmatranje pitanja takmičenja i donošenje odluka u vezi sa takmičenjem, kao i izvršavanje administrativno-tehničkih poslova, klubovi će uplaćivati nadležnom savezu, koji rukovodi takmičenjem u grupama Omladinske lige BiH.

Klubovi su obavezni prvi dio kotizacije u iznosu od 600,00 KM uplatiti 15 dana od početka prvenstva, a drugi dio u iznosu od 600,00 KM 15 dana od početka drugog dijela prvenstva. Klubovi koji u predviđenom roku ne izvrše uplatu kotizacije ne mogu nastaviti takmičenje te će biti disciplinski procesuirani.

## **RASPORED I TRAJANJE UTAKMICA**

### **Član 8.**

Juniorske i kadetske ekipe igraju utakmice u istom danu i u istom mjestu.

Utakmice juniorske lige igraju se 2 x 45 minuta.

Utakmice kadetske lige igraju se 2 x 40 minuta.

Odmor traje od 10 do 15 minuta.

## **DUŽNOST KLUBOVA**

### **Član 9.**

Klub domaćin obavezan je pripremiti teren za igru, a odluku o pogodnosti terena za odigravanje utakmice donosi glavni sudija.

Klubovi i službena lica obavezna su doći na stadion najkasnije 90 minuta prije početka utakmice.

Klub je obavezan na svim utakmicama postaviti na jarbole sledeće zastave: zastavu BiH i pripadajućeg entitetskog saveza, odnosno entiteta. Dozvoljeno je i postavljanje zastava: klubova učesnika, zastava FIFA, UEFA, Grada - Opštine na čijoj se teritoriji igra utakmica, zastave Ferpleja.

## **SUDIJE I DELEGATI**

### **Član 10.**

Nadležni organi određuju sudije i delegate sa liste sudija i delegata Premijer lige BiH, Prve lige NS FBiH i Prve lige FS RS te radnike administrativnog sekretarijata saveza, a prema krajnjoj potrebi moguće je određivanje službenih lica sudija i delegata sa Drugih liga FSRS i FS F BiH sa teritorije kantona/županije/područja kluba domaćina utakmice ili teritorije susjednog kantona/županije/područja.

Delegat utakmice obavezan je:

- doći na mjesto odigravanja utakmice najkasnije 60 minuta prije početka prve utakmice
- ispoštovati kodeks oblačenja službenih lica
- po odigranoj utakmici sačiniti izvještaj utakmice i isti zaključiti putem COMET sistema
- ubaciti skenirane ili fotografisane spiskove igrača u sekciju dokumenti.
- u slučaju incidenta dostaviti dopunski izvještaj elektronskim putem komesaru takmičenja
- u slučaju nepravilnog nastupa igrača uzeti pisanu izjavu predstavnika kluba i za koji igrač nastupa, kao i igrača i ubaciti je u sekciju dokumenti.

- dostaviti snimak utakmice nadležnom takmičarskom organu u roku od 72 sata po odigranoj utakmici.

Sudijska ekipa obavezna je:

- doći na mjesto odigravanja utakmice najkasnije 60 minuta prije početka prve utakmice
- ispoštovati kodeks oblačenja službenih lica

Službenim licima za utakmice Omladinske lige grupa „Sjever“ i „Zapad“ pripada taksa u iznosu 300,00KM raspodjeljena na sljedeći način:

- delegatu na utakmicama Omladinske lige BiH	90,00 KM
- sudijama na utakmicama Omladinske lige BiH	2x75,00 KM
- asistentu sudije na utakmicama Omladinske lige BiH	60,00 KM

Iznos navedenih taksi odnosi se na dvije utakmice

- U slučaju da ekipa nastupa samo sa juniorskom ili samo sa kadetskom selekcijom, službenim licima za utakmice Omladinske lige grupa „Sjever“ i „Zapad“ pripada taksa u iznosu 150,00KM raspodjeljena na sljedeći način:

- delegatu na utakmicama Omladinske lige BiH	45,00 KM
- sudiji na utakmicama Omladinske lige BiH	45,00 KM
- asistentima sudijama na utakmicama Omladinske lige BiH po	30,00 KM

U slučaju da utakmica nije odigrana iz razloga za koji službena lica ne snose krivicu, pripada im 50 % iznosa od takse a delegatu cijela taksa.

Za obavljanje dužnosti na utakmicama Omladinske lige BiH, službenim licima ne pripada dnevnica.

Putni troškovi službenih lica su uračunati u taksu.

Isplata taksi službenim licima se vrši odmah po završetku utakmice, gotovinski ili žiralno u roku od 8 dana od dana odigravanja utakmice.

Ekipa koja ne postupi u skladu sa prethodnim stavom automatski se suspenduje do izmirenja obaveza i pokreće se disciplinski postupak.

Delegat utakmice obavezan je po odigranoj utakmici sačiniti izvještaj utakmice i zaključiti isti putem COMET sistema, a spiskove igrača i uplatnicu od takse za sva sl. lica (10%) ubaciti i u sekciju dokumenti.

## ZAPISNICI

### Član 11.

Delegat sastavlja zapisnik u prisustvu glavnog sudije i predstavnika ekipa, i isti se sačinjava putem informacionog sistema COMET, te po okončanoj utakmici, sudija je obavezan svojim elektronskim potpisom zaključiti utakmicu.

Klubovi su obavezni prije početka utakmice u propisanom roku (60 minuta) dostaviti ovjeren i potpisan spisak igrača i službenih lica na propisanom obrascu. Klub domaćin obavezan je da delegatu utakmice stavi na raspolaganje računar sa internet konekcijom i štampač, te da pruži svu neophodnu pomoć u sastavljanju zapisnika.

## IGRALIŠTE

### Član 12.

Utakmice Omladinske lige NS/FS BiH kadeta i juniora igraju se na glavnim travnatim ili drugim odgovarajućim terenima kluba registrovanim za odigravanje nogometnih/fudbalskih utakmica, sa dimenzijama u skladu sa Pravilima nogometne igre, obezbijeđenim svlačionicama za domaću i gostujuću ekipu i posebnom svlačionicom za sudije, prostorijom za sastavljanje zapisnika, kao i kabinama za rezervne igrače i stručna rukovodstva i posebnom kabinom za delegata.

## ORGANIZACIJA UTAKMICA

### Član 13.

Organizaciju utakmica vrše klubovi domaćini koji su obavezni obezbijediti sve uslove u skladu sa važećim propisima.

Klub domaćin obavezan je preuzeti sve mjere u cilju obezbjeđenja ličnosti:

članova gostujućeg kluba, sudija, delegata, novinara, navijača, prije utakmice, za vrijeme i poslije utakmice, pa sve do napuštanja stadiona i mjesta odigravanja utakmice.

Klub domaćin, obavezan je nadležnoj policijskoj upravi prijaviti mjesto i vrijeme odigravanja utakmice, a na zahtjev policijske uprave i druge relevantne podatke.

Klub domaćin obavezan je organizovati redarsku službu sa imenovanim vođom redarske službe (minimalno 4 lica/redara) koji će se starati o bezbjednosti učesnika utakmice.

Pored navedenog, klub domaćin obavezan je obezbijediti dohvatače lopti (minimalno 4 dohvatača), te nosila i nosače nosila za povrijeđene igrače.

Klub domaćin obavezan je obezbijediti prisustvo dežurne ljekarske službe ili ljekara odnosno fizioterapeuta, kao i sanitetsko odnosno adekvatno zamjensko sanitetsko vozilo.

**Utakmica se neće igrati bez prisustva sanitetskog vozila ili adekvatnog zamjenskog sanitetskog vozila, ljekara ili fizioterapeuta i redara.**

Klub domaćin je obavezan obezbijediti računar sa štampačem i internet konekcijom za rad u COMET sistemu.

Klub domaćin je dužan obje utakmice snimati minimalno sa jednom kamerom a CD sa snimkom utakmica čuvati u klubu 15 dana od odigravanja utakmice a na zahtjev Komesara snimak je dužan dostaviti u Savez u roku od 72 sata.

### Član 14.

Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti sljedeća lica:

1. Predstavnik kluba prikladno obučen
2. Glavni trener (licenciran) u trenerci ili prikladno obučen
3. Igrači (zamjenici) u sportskoj opremi, markerima
4. Ljekar kluba ili fizioterapeut

U tehničkom prostoru se još mogu nalaziti

- Dva licencirana pomoćna trenera.

Predstavnik kluba, glavni trener ili pomoćni trener ne mogu biti ista osoba.

Navedena lica obavezna su posjedovati odgovarajuću licencu koju izdaje FS BiH, FSRS ili FS F BiH za tekuću takmičarsku sezonu.

Validnost izdatih potrebnih dokumenata mogu kontrolisati samo subjekti koji su ih izdali, a delegat na utakmici utvrđuje njihovo posjedovanje odnosno identitet lica.

## **ODLAGANJE UTAKMICA**

### **Član 15.**

Utakmica se može odložiti iz opravdanih razloga ukoliko klub dostavi zahtjev najkasnije osam dana prije utvrđenog termina za odigravanje utakmice, koji u sebi mora sadržati razlog zbog kojeg se vrši promjena termina sa priloženom dokumentacijom, iz koje se može utvrditi opravdanost podnijetog zahtjeva.

Nakon tog roka utakmica se može odložiti samo uz saglasnost drugog kluba, odlukom organa koji rukovodi takmičenjem.

Utakmica se može odgoditi i ukoliko je iz jednog kluba pozvano tri(3) ili više igrača za nastup u reprezentaciji BiH odgovarajućeg uzrasta u kojem se klub takmiči.

Ukoliko klub zahtjeva odgodu utakmice zbog bolesti ili povreda igrača odnosno obaveza prema nastavi u školi, istom će biti udovoljeno pod uslovom, da postoji nemogućnost nastupanja na utakmici minimalno sedam (7) sedam standardnih igrača jednoga tima – kategorije uz priloženu dokumentaciju u svrhu dokazivanja nemogućnosti nastupanja.

Ukoliko se vrši promjena termina odigravanja utakmice sa dana vikenda na radne dane u tom slučaju potrebna je saglasnost drugog kluba bez obzira na rok podnošenja zahtjeva podnosioca.

Kada se vrši promjena termina utakmice ili odlaganje utakmice jedne kategorije (kadeti ili juniori) to podrazumijeva odlaganje utakmice ili promjenu termina za obje kategorije.

## **NAJMANJI BROJ IGRAČA U IGRI**

### **Član 16.**

Utakmica ne može da počne po Pravilima fudbalske igre ako jedna od ekipa nema najmanje 7 (sedam) igrača na terenu za igru, od kojih je jedan vratar i kapiten. Ako jedna ekipa za vrijeme igre ostane sa manje od sedam igrača, sudija je dužan da zaustavi igru a ako u roku od 5 (pet) minuta klub ne nastupi sa minimalnim brojem igrača, sudija je dužan da označi kraj utakmice.

Svaka ekipa prijavljuje u zapisnik sa utakmice maksimalno 20 igrača. Klubovi koji nemaju najmanje 14 igrača u zapisniku sa utakmice snosiće disciplinske sankcije.

Klub Omladinske lige BiH grupa „Zapad“ i „Sjever“ ukoliko na zvaničnoj utakmici nastupi sa manje od 14 igrača biće kažnjen novčanom kaznom u iznosu od 100,00 KM (stotinukonvertibilnihmaraka).

Klub Omladinske lige BiH grupa „Zapad“ i „Sjever“ ukoliko na zvaničnoj utakmici nastupe sa manje od 11 igrača biće kažnjen novčanom kaznom u iznosu od 200, 00 KM (dvijestotine konvertibilnihmaraka) do 500,00 KM (petstotinakonvertibilnihmaraka).

Ukoliko jedan klub sa jednom od selekcija (juniori ili kadeti) istupi iz takmičenja ili bude isključen iz istog automatski se briše iz takmičenja sa obe selekcije.

## **PRAVO NASTUPA I ZAMJENE IGRAČA**

### **Član 17.**

Pravo nastupa na utakmicama juniorske lige u takmičarskoj 2024/2025. godini imaju igrači rođeni 01.01.2006 godine i mlađi, ali ne mlađi od 16 godina.

Izuzetno u zapisniku utakmice i na utakmici Juniorske lige mogu nastupiti 3 igrača rođena 2005. godine.

Pravo nastupa na utakmicama kadetske lige u takmičarskoj 2024/2025. godini imaju igrači rođeni 01.01.2008 godine i mlađi, ali ne mlađi od 14 godina.

Izuzetno, mogu nastupiti i igrači koji su godinu dana mlađi od naznačenih godina, ukoliko su na osnovu specijalnog ljekarskog pregleda proglašeni sposobnim za nastupe na tim utakmicama i pod uslovom da je nadležni registracioni savez unio isti u COMET, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog.

Tokom utakmice može se izvršiti zamjena najviše sedam (7) igrača u tri vremenska intervala, ne računajući poluvrijeme, dok u zapisnik može biti uneseno najviše devet (9) zamjenskih igrača. Rok važnosti ljekarskih pregleda za igrače Juniora je šest mjeseci, a za igrače Kadeta četiri mjeseca.

Pravo nastupa igrača stranih državljana regulisano je odredbama Pravilnika o registraciji, statusu i transferu igrača NS/FS BiH. Klub može imati više registrovanih igrača stranih državljana, stimo što 3 (tri) igrača strana državljana mogu biti upisani u zapisnik sa utakmice i imaju pravo nastupa na jednoj utakmici.

## **IDENTITET IGRAČA**

### **Član 18.**

Identitet igrača utvrđuje se putem fotografije iz Comet sistema ili na osnovu ID kartice ištampane iz COMET sistema ili ličnih isprava (lična karta, pasoš).

## **DRESOVI**



## **Član 19.**

Ekipe nastupaju u boji dresova koja se dostavlja istovremeno kada se dostavlja mjesto i vrijeme odigravanja utakmica, pri čemu treba dostaviti i rezervnu boju. Na dresovima su obavezni brojevi prema Pravilima nogometne igre.

Ukoliko su na utakmici dresovi iste ili slične boje, o čemu odlučuje sudija, dresove će promijeniti prvoimenovana - domaća ekipa.

## **UTVRĐIVANJE PLASMANA**

### **Član 20.**

Plasman klubova utvrđuje se prema odredbama Pravilnika o nogometnim takmičenjima NS/FS BiH

## **DISCIPLINSKE ODREDBE**

### **Član 21.**

O disciplinskim prekršajima koji naprave klubovi, sudije, treneri, ili ostali fudbalski/sportski radnici u ovom takmičenju odlučuje Disciplinska komisija FSRS kao prvostepeni organ takmičenja na osnovu odredaba Disciplinskog pravilnika NS/FS BiH, a žalbe na odluku prvostepenog organa podnose se Apelacionoj komisiji FSRS.

Rokovi podnošenja žalbi utvrđeni su odredbama Disciplinskog pravilnika NS/FS BiH.

Na prvenstvenim utakmicama nemaju pravo nastupa igrači koji se nalaze pod suspenzijom, kaznom zabrane igranja i automatskom kaznom zbog tri opomene (žuta kartona).

Igrač automatsku kaznu nastalu zbog tri opomene odrađuje na prvenstvenim utakmicama ukoliko je iste zaradio na prvenstvenim utakmicama.

Igrač koji je upisan u zapisnik utakmice, smatra se da nije nastupio ukoliko nije ulazio u igru.

Ekipa koja se nalazi pod suspenzijom ne može nastupiti na javnoj utakmici sve dok traje suspenzija.

## **ŽALBE**

### **Član 22.**

Najave žalbe na odigranu utakmicu u pismenoj formi dostavlja se u roku od 24 sata po odigranoj utakmici, a žalba sa obrazloženjem i dokazom o uplaćenju taksu dostavlja se u roku od 48 sati po odigranoj utakmici.

Ukoliko rok za žalbu ističe u nedelju ili na državni praznik, rok se produžava za naredna 24 sata.

Žalba se podnosi organu koji rukovodi takmičenjem (komesaru takmičenja)

Žalba na odluku komesara takmičenja podnose se Apelacionoj komisiji FSRS u roku od osam (8) dana od prijema pismene odluke.

Za utakmice posljednja dva kola rok za podnošenje žalbi drugostepenom organu je tri dana.

Žalba na utakmice kvalifikacija za finalni turnir i utakmice finalnog turnira podnose se u roku od dva sata po odigranoj utakmici.

Žalba na prvostepene odluke koje se odnose na kvalifikacije za finalni turnir, kao i finalni turnir, podnose se u roku od dva sata po prijemu prvostepene odluke.

Taksa za žalbe za klubove u prvom stepenu iznosi 250,00 KM, u drugom stepenu 500,00 KM a taksa za pojedinca iznosi 50% od takse za klubove. Taksa se vraća podnosiocu samo ukoliko se žalba u potpunosti usvoji.

## **NAGRADE**

### **Član 23.**

Prvaku Omladinske lige FS BiH grupa „Sjever“ u kategoriji kadeta dodjeljuje se pehar.  
Prvaku Omladinske lige FS BiH grupa „Sjever“ u kategoriji juniora dodjeljuje se pehar.  
Prvaku Omladinske lige FS BiH grupa „Zapad“ u kategoriji kadeta dodjeljuje se pehar.  
Prvaku Omladinske lige FS BiH grupa „Zapad“ u kategoriji juniora dodjeljuje se pehar.

## **PRELAZNE ODREDBE**

### **Član 24.**

Način popunjavanja Omladinske lige NS/FS BiH po isteku takmičarske 2024/2025. godine će biti utvrđen odlukom Izvršnog odbora NS/FS BiH o sistemu takmičenja za narednu sezonu.

## **ZAVRŠNE ODREDBE**

### **Član 25.**

Za sve što nije predviđeno ovim Propozicijama, primjenjivat će se Pravilnik o nogometnim/fudbalskim takmičenjima NS/FS BiH, ostali propisi NS/FS BiH i Pravila nogometne/fudbalske igre

### **Član 26.**

Nakon završenog prvenstva Juniora u četvrtfinale će se plasirati četiri pobjednika grupa (Zapad, Sjever, Centar i Jug) te četiri najbolje plasirane ekipe iz drugog entiteta od pobjednika grupe.

Polufinalni parovi će biti određeni poludirigovanim žrijebom i u njemu će se sastati ekipe iz istog entiteta, a u Premijer ligu BiH za juniore plasman će izboriti entitetski pobjednici.

Polufinalne utakmice na području RS će organizovati FSRS a na području Federacije BiH utakmice

će organizovati NS FBiH.

Polufinalne utakmice Juniora u grupi FSRS će se igrati po dvostrukom kup sistemu (domaćin – gost), a finalna utakmica za Juniore će se igrati po jednostrukom kup sistemu na neutralnom terenu u organizaciji FSRS.

U slučaju neriješenog rezultata na utakmicama koje se igraju po kup sistemu pristupiće se izvođenju udaraca sa tačke kaznenih udaraca u cilju dobijanja pobjednika.

#### **Član 27.**

Propozicije stupaju na snagu danom donošenja.

PREDSJEDNIK FSRS  
Vico Zeljković